

مجموعه آجودانیه

۱۸ نجی سنه

جزوه عدد : ۶۱

غره محرم ۱۳۱۵





احوال بلوغ و حَبّ نفس

بز بو عالم خاکدانن نه چابوق مرور ایدرز ! عمرک ربع اولی ، حیاتک صورت استمائی هنوز یلدن کچر . ربع اخیری دخی حیاتدن تلذذ منقطع اولدقن صکره مرور ایدر . ابتداده بز یشامنی ییلیر ، صکرده یشایه میز . بوفایده سنز ایکی منتهانک آرمسند مدت فاصله نكده درتده اویچ زمانی اویقو ایله ، ایش ایله ، کدرله ، زحمتله ، درلو محنتله محو اولور .

عمر قیصدر ؛ لکن دوام ایستدیکی مدتک آزانی جهتیله دگل . بلکه بو آز مدته بییانی هیچ تلذذ ایده جک زمان بوله مدیغیز جهته قیصدر . وقت ولادته هنکام موتک آرسی نه قدر اوزاق اولورسه اولسون ، مادامکه بومدت حسن ایفا اولغیه ، دایما عمر پک قیصدر .

گویا بز ایکی دفعه طوغارز . بری موجود اولمق ، دیگری یشامق ایچون . بری نوع ، دیگری جنس ایچون . عورته انسان ناقص نظریله باقاندلر شبهه یوقکه ، حقسنزدلر . لکن نسبت ظاهریه آنلرک دعواسنی اثبات ایدر . سن بلوغه قدر ارکک ، دیشی ایکی جنسی ظاهرده تفریق ایده جک علامت یوقدر . یوزلری ، چهره . لری ، بگز لری ، سسلری هپ بردر . قزلرده چوجقدر ؛ اوغلانلرده چوجقدر لر . یکدیگرینه تا بودرجه مشابه اولاندلر ایچون شو بر اسم کافیدر . ارککلرک جنسنه مخصوص اولان فیض و ترقی به ممانعت ایدیلورسه بو حال فی مدته العمر آنلرده قالور . آنلر دایما بیوک چوجقلردر . و عورتلر ایسه بو حال هیچ غائب ایتمدکلرندن بالو . جوهر آندن بشقه شی اولمق اوزره یایلشه بکزه مز لر .

لكن على العموم انسان ، على الدوام صباوتده قالمق ايجون يانلامشدر . طبيعتك
تعيين ايتديكي مدتده آندن چيقار و بو بحران مدتي اكر چه بك قيصه ايسده بك
بيوك تاثيراتي حازدر .

در يانك ايكديسي اوزاقدن بوره ظهورينه مقدمه اولديغي كبي ، بوفورطنهلى
انقلابي دخي هنوز طوغان هواي نفسانيلرك مرلامغه باشلامسى خبر ويرر . گويا
دريندن بر غلبان، تهلكه نك قريب اولديغي اخبار ايدر . برخوي دكشمهسى ،
صيق صيق حدت، دائما بر ذهن قاريشقلمنى چوجنى عادتاً قابل نظام اولق حالندن
چيقارير . بر وقت آنى اطاعته كتورن صدائي آرتق ايشتمز اولور . گويا كه
حمايه طوتلش بر آرسلاندر . صاحبنى طانميز . و آرتق تحت ادارهده بولمق استمز .
آنك تبديل اخلاق ايتديگنه دلالت ايدن علامات معنويه، چهره سنده ظاهر
اولان تغيرات دخي منضم اولور . سيماسنه كشايش گلور ، آنده بر صفت منطق
اولور . زيرا رخسارنده خط نرمين قرارمغه و ممانت كسب ايتمكه باشلار . سس
دگيشور . عادتاً صداسنى غائب ايدر . نه چوجقدر ، نه انساندر ، سس آنلره
بگزه مز . آنك گوزلري كه آلت روحدر ، و بو آنه قدر برشي ديمزلردى . شمدى
لسانه گلورلر . و تعبيرات بولورلر . بريكي آتش آنلري جانلنديرر . نظري دهها
جانلى ايسده هنوز معصومانهدر . لكن اولكي اثر بلاهت يوقدر . تكلمه اقتدارلرنى
هنوز طويارلر . چوجق اوكنه باقوب هنوز قزارمفى يئلمكه باشلار . حس ايتديكي
شيئك نه اولديغنى هنوز يئلكسزين حس ايدر اولور . بلا سبب مضطربدر .
بتون بو شيلر يواش يواش گلورلر سینه سزه زمان براغورلر . لكن آنك شدتى
زياده بى صبر اولورسه و حدتى غضبه دونرسه ، اكر حدت ايدوب عقينده رقت
گوسترسه ، اكر بلا سبب گوز ياشلري دوكرسه ، اكر آكلا مدار تهلكه اولمغه
باشلايان نسنلره تقرب ايتدكجه نضلرينك حركتى آرتار ، گوزلري علونورسه ،
اكر بر قادينك الى الله تماس ايدنجه وجودينه رعشه گلورسه ، اكر قادينك ياننده
شاشيرر ، يا خود قورققلق عارض اولورسه ، اى اوليس ! اى عاقل اوليس كنديكي
صاقين . بو قدر اهتمام ايله صيقى صيقى قابايدىك طلوملرك اغزى چوزلمشدر .

روزگار لر زنجیر بوشالتمشدر . آرتق بر آن دومندن آیرله یوقسه هپسی ییتر . ایشته دیدیکم ایکنجی طوغش بوراده در . ایشته انسان صحیحاً حیات اینچون بوراده طوغار . و انسانلغه متعلق هیچ برشی آکا بیگانه دکلدر . بورایه قدر بزم اهتمامتمز بیانی چوجق او یونجفی ایدیلر . اصل اهمیت بوراده باشلار . لکن بوتربیه نك رسمنی عرض ایتمزدن اول آکا متعلق اولان شیلرک حالی اوزربنه ایشی یوقاریدن طوتهلم .

بزم هوای نفسانیلرمن کندیمزک محافظه آلایدرلر . آنلری ییقمق استمک هم عبث ، همد صاچه بر تشبثدر . وطبیعتک قصورنی آرامق ، جناب حقک صنعنی دوزلتمکدر . اگر جناب باری کندی ویردیگی هوالرک محونی انسانه امر ایتمش اولسه (حاشا) الله هم استر هم استمز اولوب ، ذات باریسی کندینک خلافتنه امر ایتمش اولور . جناب حق بویله تضاد اوزره امر ایتمکدن منزهدر . بویله برشی قلب انسانه یازلامشدر . الله بر آدمه یایدیرمق استدیگی شیئی دیگر بر آدم وساطتیه سویلتمز . آنی کندیسی سویلر ، آنی انسانک قلبنه یازار . (۱)

بجه هوای نفسانیلرک ظهورینه ممانعت سوداسنده بولنان کیمسه آنلری محو ایتمک داعیه سنده بولنان کیمسه قدر آحقدر . و بورایه کلجه قدر بنده مقصدی بوندن عبارت ظن ایدنلر شبهه یوق که یاکلش آکلامشدر .

آنجق انسانک طبیعتده هوا اولغله بزم استدیگمز و سائرلرده کوردیگمز هوالرک جمله سیده طبیعی اولدیفته حکم ایتمک بر محاکمه معقوله میدر؟ واقعا منبعلری طبیعی در . لکن او منبعی بیك ، بیانجی ایرمقلر قاریشهرق بیولتمشدر . بو برنهر عظیمدرکه ، متصل چوغالور . و آنده ابتداکی صولردن برقاق طمله کوجله بوله بیلور . بزم طبیعی اولان هوالرمن پک محدوددر . و آنلر بزم آزاده لگمزک آلایدرلر .

(۱) مؤلف بو عباره سیله خرسقیانلغه تعریض ایدر . چونکه علی العموم خرسقیان مذهبیلرند پاپاسلر (حاشا) اللهک وکیلی اولوب بتون اوامر ونواهی الیه آنلر وساطتیه عبادۀ تلقین اولنور اعتقاد ایدرلر . روصو ایسه بو اعتقادک علیهنده اولدیغندن آنک بطلاقی بوراده مناسبت گلدکجه سائر بحثلرده بیان ایدر . ایشته روصونک علیهنده پاپاسلرک هجومنه سبب بورالیدر .

و بزی محافظه متعلقدر لر . شول هوالر که بزی مغلوب و مقهور ایدر لر ؛ بتون بشقه بردن کلور لر . آنلری بزه طبیعت و بر مز . آنلری بز کندی ضرر مز . اوله رق کندیمز ایدینورز .



بزم هوالر رمزك منبعی و هب سار هوالر ك اصل و اساسی و انسانیله برابر طوغوب مدت عمر نده بردها منفك اولیان هوا هب حب نفسدر . بو هوا مبدادر . برلكده طوغار ؛ سائر لك جمله سندن مقدمدر . و بر معناجه سار هوالر آنك معدلاتیدر . بو معناجه مراد ایدر سه كز هبسی طبیعی اولور . آنجق بو اهویئ معدله آنك بر جوعی اسباب خارجییه مستنددر كه ، آنلرسز اصلا وجوده كله مز لردی . و بو معدلات بزه مفید اولدقدن بشقه ضرر در لر . آنلر برنجی شیئ تحویل ایدر لر . و اصللرینك خلافتی گیدر لر . ایشته اوزماندر كه ، انسان طبیعتدن خارجه جیقار و كندی كندیسیله تضاد اوزره اولور .

حب نفس دائما ایودر . و دائما نظامه موافقدر . هر كس بالخاصه محافظه نفس ایله مكلف اولمغله آنك برنجی واك مهم اولانی لایققطع كندی محافظه سنه باققدر . و بویله اولمیدر . یا آنده اك زیاده شایان التزام بیوك فائده گورمز سه آكا فصل باقار ؟

ایمدی لازمدر كه ، بز كندمزی محافظه ایچون كندمزی سوملی بز . لازمدر كه ، كندمزی هر شیدن زیاده سوملی بز . وینه بو حسك ایجاب معاقبی اوله رق بزی محافظه ایدنی ده سوملی بز . هر چوجق آكاسنه محبت ایدر . (رومولوس) (۱) آكا سود ویرن قوزده محبت ایتملی در . اول امرده بو محبت صرف آیدر . یعنی

(۱) رومولوس معلومدر كه روما شهرینك بانیسی در . اساطیر رومییه گوره حرب معبودی اولان (مارس) ایله آب طاغیرینك حکمداری نومیتورك قزی (ره آسیلویا) دن قزداشی (ره موس) ایله ایكز اوله رق طوغمشلدر . سیلویایی عمی (آمولیوس Amulios) نزدنده طور مدینی و حامل اولوب چوجق طوغوردینی ایچون دیری دیری طور اغه گومدردی . و چوجق قری نهره آتدردی . لکن نهر آنلری كناره آتدی . و اوراده ایكن بردیشی قورد كلهرك بونلری امزدردی . براز صكره (فوستولوس Faustus) اسمنده برچوبان چوجق قری

یابد یعنی بیدار آرد آلت گبی سور . بر شخصک خوش حال اولمستی مستلزم اولان شی آتی جلب ایدر . و آکا ضرر ویرن شی آتی تبعید ایدر . فقط بو کورجه بر میلدن عبارتدر . بو میلی حسه ، و آشمی محبت ، نفرتی عداوته تحویل ایدن بزه مفید و یا مضر اولق ضمیرینک ظهوریدر . حسی اولمیان مخلوقاته شدتله محبت اولمز . زیرا آنلر یالکز کندیلرینه ویریلان جرکته تابعدرلر . لکن آنلرکه استعداد باطنیلرندن و آراده لرندن حسن و قبحه انتظار اولنوره ؛ و آنلرکه لهده ، علمده بالاخیار حرکت ایتدکلری گوریلور . بزه گوستردکلری وجه حس اوزره مقابله ایتکی بزه الفا ایدرلر . بزه یرایان شی آرانور . لکن بزه یرامق استیان سویلور . بزه ضرر ایدندن قاجیلوره ؛ لکن بزه مضرت ایتک استیاندن نفرت اولنور .

چو جغک برنجی حس محبتی کندینی سومکدر ؛ و ایکنجیمی که بو برنجیدن مشتقد . کندینه تقرب ایدنلری سومکدر . زیرا چو جق بولندینی حال عجزده کیمسینی طایمز ؛ الا کندینه ایدیلان اهتام و معاونتله طانور . اول امرده سود آناسنه و دایهسنه اولان سوگیسی مجرد آشمقدندر . چو جق آنلری آرار ؛ زیرا آنلره احتیاجی واردر . و آنلرله برلکده اولدینی زمانلرده خوش حال اولور . بو آنلرک خیر خواه اولشلرندن زیاده آشناقدندر . آکا چوق وقت لازمدرکه . آنلرک کندینه یالکز فائده لی اولسوب ، بلکه فائده ایتک استدکلرینی چو جق آکلایه بیلله . ایشته اوزمان آنلری سور .

ایمیدی بر چو جق کندینه خیر خواه اولانه بالطبع مائلدر . زیرا گوردرکه کندی کندینه کیم تقرب ایتسه آکا معاونت ایچوندنر . و بوملاحظه ایلله کندی جنسی حقنده بر ابو حس حاصل ایتمگه آلیشور . لکن روابطی ، احتیاجاتی و فعلی و غیر فعلی محکومیتی توسع ایتدکجه آخرله اولان روابطک حسی او یانه رق وظائف .

گوروب اوینه گوتوردی . و زوجہ سی آقا لورانسینک آغوش مهر بانیسته تودیع ایلدی . بو چو جقلر چوبانلر آره سنده بیودیلر . رومولوس صورت ولادتدن خیردار اولدینی زمان آمولیوسی قتل و بیک پدرلری اولان نومیتوری حکمدار نصب ایلدی . آندن صکره قرتدا . شبله برلکده میلاددن ۷۵۳ سنه اول روما شهرنی بنا وروماده حکومت ایتدیلر . کندو . سنک اعدای قبل میلاد ۷۱۵ ددر . للطایع

و ترجیحات حسنی حصوله کتورر . اوزمان چوجق سوزنی یوریمگه اوغراشور . قصقانچ اولور؛ آلدادیجی وکیندار اولور . اگر آنی اطاعته اکمک استمه لر کندینه تکلیف اولنان شینک بر فائده سنی گورمیه رک آنی امر ایدنه ک کیف وهواسنه وکندینی ازعاج نیتته اسناد ایله مخالفته قالدیشور . اگر آنک امرینه اطاعت اولنسه آنده اثر غضب وکندینه مخالفت قصدی کورر . امرینه مخالفت ایتدیگی ایچون صندالیه بی، سفرینی دوکر . حب نفس که یالکز بزه عاندر؛ نه وقت بزم احتیاجات صحیحه مزک روا اولدیفنی گورسه قانع اولور . لکن انانیتدن کینلی و غضبلی هوالر طوغان . بناء علیه انسانی اساساً ایو قیلان احتیاجک آز اولسی و سارلرله آز قیاس نفس ایدلمی در . و اساساً انسانی کوتو ایدن احتیاجک چوق اولسی و افکار-عمومیه زیاده اهمیت ویرلمی در . بوقاعده اوزره انسانلرک و جوجقلرک هوالری ایو، یاخود کوتویه نصل سوق اولنق ممکن اولدیفنی سهولتله گوریلور . واقعا باب یالکز یشایه میه جقلری جهتله دائماً ایو اوله رق کوچ یشایه بیلورلر . و بوضعوت آنلرک روا بطیله بالافتضا تراید ایدر . خصوصاً بونده در که یگی طوغان احتیاجدن تولد ایدن ضالالتدن قلب انسانی بی محافظه ایچون مخاطره جمعیت بزم صنعت و همتمزی دها الزم قیلار .

روصو

